



Na sesión celebrada na data que se indica, adoptouse o seguinte

ACORDO:

Na cidade de Ourense, a trinta de setembro de dous mil tres

Visto o expediente de clasificación do monte como veciñal en man común coa denominación de *Chaira, Campo de Arriba, A Boutureira e Os Conchouros*, por solicitude dos veciños do lugar de Sadurnín, do concello de Cenlle (Ourense).

Resultando que con data 22 de decembro de 2000, tivo entrada no rexistro da delegación provincial da Consellería de Medio Ambiente en Ourense, escrito dirixido ó Xurado Provincial de Montes Veciñais en Man Común asinado polos veciños do lugar de Sadurnín, concello de Cenlle (Ourense), solicitando se declare o monte *Chaira, Campo de Arriba, A Boutureira e Os Conchouros*, como veciñal en man común.

Resultando que o Xurado provincial en sesión de data 26 de setembro de 2001, acordou tomar en consideración o citado escrito e inicia-lo expediente de clasificación do monte designando instructores do mesmo a José Ramón Goyanes Flores e Miriam Areal López, que aceptaron tal cargo, librándose mandamento para a anotación preventiva no Rexistro da Propiedade de Ribadavia, e remitíndose comunicacións dirixidas ós veciños do lugar de Sadurnín, ó presidente da Deputación Provincial de Ourense, ó alcalde do concello de Cenlle, á Delegación provincial da Consellería de





Política Territorial, Obras Públicas e Vivenda, ó Servicio de Montes e Industrias Forestais, á Xerencia Territorial do Catastro e á Delegación provincial da Consellería de Agricultura, Gandería e Política Agroalimentaria, publicándose edictos no *Diario Oficial de Galicia* e no taboleiro de anuncios do Concello de Cenlle, durante o prazo dun mes segundo consta en dilixencia estendida ó dorso do edicto polo secretario do citado concello, para que durante o prazo sinalado en edictos os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente, se practicou no Rexistro da Propiedade de Ribadavia, como segue:

Anotación preventiva Letra A nos folios 145 ó 148, do Libro 76 de Cenlle, Tomo 505, fincas 1.050 á 1.053

Resultando que na tramitación do expediente se cumpriron tódalas formalidades legais.

Considerando que o Xurado Provincial de Clasificación de Montes Veciñais en Man Común, ten xurisdicción e competencia para coñecer los expedientes de clasificación dos montes que teñan tal carácter a teor do establecido no artigo 9 da citada Lei.





Considerando que o tipo de comunidade xermánica que institúe a Lei de montes veciñais en man común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable;
- e
- 5) Que a comunidade é indivisible, non podendo os comunciros pedi-la "*actio communi dividundo*".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños do lugar de Sadurnín, no concello de Cenlle

Os datos do citado monte son os que se referencian na parte dispositiva deste acordo.





Considerando que das informacións recollidas resulta que os veciños do lugar de Sadurnín, están conformes coa clasificación do citado monte como veciñal en man común.

Considerando que a teor do disposto na Lei de montes veciñais en man común, o expediente de clasificación se iniciou por acordo do xurado, por instancia dos veciños do lugar de Sadurnín, para que este xurado puidese acorda-la iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro, así como o establecido na Lei de réxime xurídico das administracións públicas e do procedemento administrativo común, do 26 de novembro de 1992.

Visto o Decreto 14/2002, do 24 de xaneiro, polo que se establece a estrutura orgánica da Consellería de Medio Ambiente.

O Xurado Provincial de Montes Veciñais en Man Común, á vista dos antecedentes e fundamentos expostos e por unanimidade dos seus membros:

A C O R D A:

Primeiro. - Clasifica- lo monte coa denominación de *Chaira, Campo de Arriba, A Boutureira e Os Conchouros*, de 24 ha 14 a, aproximadamente en conxunto do





superficie a favor dos veciños do lugar de Sadurnín, no Concello de Cenlle (Ourense), e cos datos que a seguir se relacionan, coma veciñal en man común, en réxime de comunidade xermánica.

Os datos do citado monte son:

Concello: Cenlle (Ourense)

Denominación do monte: "Chaira, Campo de Arriba, A Boutureira e Os Conchouros".

Comunidade propietaria: lugar de Sadurnín, parroquia de San Xoán de Sadurnín

Superficie: 24 ha 14 a en conxunto, aproximadamente.

Monte CHAIRA:

Superficie: 10 ha 92 a aproximadamente.

Estremas.

Norte: Estrada da Pena, José Bóveda Bóveda, María Vila Fernández

Sur: José Benito García Montero, Manuel Feijó Mariño

Leste: José Bóveda Bóveda, José Benito García Montero, Dellín García

Vázquez.

Oeste: camiño público, María Paz Diéguez García, Juan Bóveda Bóveda,

Celsa García Casares.

Monte CAMPO DE ARRIBA:

Superficie: 1 ha 69 a Aproximadamente

Estremas:

Norte: Estrada da Pena





Sur: Juan Bóveda Bóveda, Manuel Feijó Mariño, Elisco Pérez

Fernández, José Bóveda Bóveda.

Leste: Manuel Feijó Mariño, José Bóveda Bóveda

Oeste: Manuel Rodríguez Varela

Monte A BOUTUREIRA:

Superficie: 7 ha 36 a aproximadamente

Estremas:

Norte: Carmen Fernández Durán, María Vila Fernández, Fidel Fernández

González

Sur: José García Alvés, José Rodríguez Soto, Manuel Rivera Vila, Jaime

Soto Durán

Leste: Destro da parroquia de Trasariz, Carmen Fernández Durán, María Paz Diéguez García

Oeste: Destro da Parroquia de Sadurnín, José Bóveda Bóveda, Elisco Pérez Fernández, Luisa Pérez Lage.

Monte OS CONCHOUROS:

Superficie: 4 ha 17 a aproximadamente

Estremas:

Norte: Nieves Bóveda Bóveda, Julio González Pagón.

Sur: Modesto Bello Casares, Jaime Soto Durán, Julia García Montero,

Delfín García Vázquez.





Leste: Eloy Pérez Villanueva, Manuel Carnero Pagón, Antonio Pérez González.

Oeste: Eloy Pérez Villanueva, María Vila Fernández, Manuel Veloso Covelo

Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifíquese esta resolución ó alcalde-presidente do concello de Cenlle, ós representantes da comunidade veciñal, ó xefe do Servicio de Montes e Industrias Forestais, ós que se lles fará saber que esta resolución, que pon fin á vía administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administracións públicas e do procedemento administrativo común e artigos 8 e 46 da Lei 29/1998, do 13 de xullo, reguladora da xurisdicción contencioso-administrativa).


The block contains several handwritten signatures and two official stamps. On the left, there is a large, bold signature. In the center, there is a circular stamp from the 'PROVINCIA DE OURENSE' with a coat of arms in the center. To its right is another signature. Further right is a large, stylized signature. At the bottom right, there is another circular stamp, partially visible, also from the 'PROVINCIA DE OURENSE'.

Monte CAMPO DE ARRIBA

Monte CHAIRA

Monte OS CONCHOUROS

Monte A BOUTUREIRA



Montes de los vecinos de Sadurnin
Concello de Cenlle
Escala. 1:10.000
Superficie: 24,14 Ha.

